

LEKOLLOZIS

p. 2 - 3

**RELASION NEOKOLONIAL
ETAZINI ANVER MORIS**

p. 6

**CONSTITUTIONAL
REVIEW COMMISSION**



p. 7 & 8

ÉLIE MICHEL
MEMORIAL LECTURE 2026

BONNE FETE DE L'ASSOMPTION

p. 12

**JOURNÉE INTERNATIONALE
DU SOUVENIR...**

p. 13 - 14

**BIDZE 2026-2027:
VER LOTONOMI EKONOMIK**

Message de Marie à Medjugorje

“Chers enfants, Alors que les ténèbres et l’inquiétude règnent dans de nombreux cœurs, soyez prière, petits-enfants, et mes mains étendues d’amour. Petits enfants, mettez la Sainte Écriture dans un lieu visible dans votre famille et lisez-la, qu’elle soit pour vous un encouragement à la conversion et à une vie nouvelle, car Satan est fort et il séduit les cœurs. A travers mon cœur maternel, je désire confier vos cœurs au Cœur de mon Fils Jésus, afin que lui, le Ressuscité, règne en vous, et la joie régnera en vous et autour de vous. Merci d’avoir répondu à mon appel.” (Avec approbation ecclésiastique)

[Message du 25 juillet 2026, confié à Marija, à Medjugorje - Etoile Notre Dame](#)

LEKTIR LAPRES

Tipa tipa pou lekonmi Ver ! Gran gran pa pou polision lamer ek lepor?

Gis Mauritius ti partaz lor rezo sosio **Highlights of Cabinet Meeting** ki ti le 24 Zwiye 2026. Dan so kominikasyon, li ti fer konpran ki Konsey Minis finn met lanvironnma ek sirtou resofma klima kouma priorite santral dan laksion Gouvrenma. Parmi 17 pwin ki'n prezante, plis ki lamwatie tous direktema lanvironnma: lansman *Solar PV Grant Scheme* pou ed bann fami pey zot pano soler, met dibout enn komite interministeriel ki pou ekilibre zesion later ant lenerzi renouvlab ek sekirite alimanter, enn *Carbon Market Framework* avek IFDD pou respekte Lakor Paris, preparasyon pou COP31 ki pou fokaliz lor finansma klima pou bann *Small Island Developing States*, ogmantasyon tarif delo/wastewater pou konsomater non-domestik (10-25% ek ziska 75% pou bann *Smart City*).

Me selma, an paralel, Gouvrenma inn osi deza aksepte 2 proze ki remet en koz so zefor pou enn politik an faver proteksion lanvironnma: premie, enn sondaz sismik pou rod petrol/gaz dan *Mascarene Plateau*; deziem, *Island Container Terminal* avek Lind ki enn gro risk pou resif koralien. Moris pa bizin vinn kouma Repiblik Demokratik Kongo zordi kot developma dan sousol minie inn amenn EBOLA ki pe asasinn Pep Kongole o benefis bann gran kapital!

Enn kartografi nesaser, me sirveyans EEZ indisponsab !

Le Défi Quotidien le 15 Zwiye 2026 pibliye: **Mauritius Hydrographic**

Services – Shakeel Mohamed : On ne défend pas ce que l'on n'a pas cartographié. Dapre sa kont randi-la, Minis Shakeel Mohamed dir an deziem lektir so Bill ki Moris pou gagn enn premie kadraz legal pou zer so bann done maritim. Li finn fer enn remark for: enn pei pa kapav gouvren seki li pa finn mezire, ni defann seki li pa finn kartografie, ni explwat enn fason lezitim seki li pa finn releve; enn pozision ki montre kifer kartografi, li enn baz pou souvrennte. Li finn rapel ki bien ki Moris kouver enn sirfas zis 2,040 km², so ziridiksion maritim al ziska 2.3 milion km² dan Losean Indien.

Depite Fron Militan Progresis ki dan lopozision, Onorab Chetan Baboolall, finn intervenir lor sa size-la pou demande ki depoz rapor aniel dan Parlman, ki asirmeyer proteksion pou bann proprieter prive kan ofisie MHS aksed lor later bay, ki reviz bann sanksion, ek ki kooper avek minister Lanvironnman pou protez resif koray. Lor proteksion ki Onorab Baboolall pe dimande pou bann proprieter prive, anou signal enn exse kote proprieter prive dan Pointe d'Esny, Blue Bay. Pou gegn akse laplaz ki pre kot terin Fisheries Protection Service, bann manb piblik bizin kit zot mwayen transpor lor larout. Bann propriyeter finn plas enn baryer ek enn gard sekirite ki veye ki dimounn ki pe al laplaz bizin al a pie. Onorab Chetan Baboolall inn osi koz lor parteneria Moris-Lind dan koperasyon hydrografik ki existe deza e ki finn permet realiz douz kart notik ek katorz kart elektronik navigasyon ki servi dan zonn maritim Moris..

Mem Rodrigues gagn enn plas spesial dan sa lozik-la, kan nou lir lartik *L'Express* le 23 Zwiye 2026 **MHS : Roxana Collet plaide pour la sou-**

veraineté maritime et une antenne à Rodrigues. Avek rekonesans souvrennte Moris lor plato kontinantal elarzi, Rodrigues pa zis enn extansion, li bien fer parti integrant dan sa nouvo arsitektir maritim ki pou zere par *Mauritius Hydrographic Service* (MHS).

Bokou fondasyon pe benefisie soutien piblik

Dan lartik *L'Express* le 2 Zwin 2026: **NSIF : Rs 1,06 milliard décaissée en faveur de 240 organisation**, Minis Ashok Subron finn depoz dan Parlman, kouma li finn anonse, enn kopi enn dokiman ki liste 240 benefisier NSIF ansam ar montan ki alwe sakenn. Enn demars transparan san presedan lor sa mekanism CSR-la. NSIF finn resevwar 976 milion rroupi ar MRA ant Ziliet 2025 ek Avril 2026.

(*Lir laswit paz 15*)

KOMITE REDAKSION

- Sylvio Legallant
- Warren Malépa
- Didier Michel
- Sylvio Michel
- Daniella Police-Michel

KORESPONDAN

- Penda Choppy (Sesel)

FOTOGRAF

- Sylvio Legallant

AKSESIB LOR SIT GRF

<https://greenreparationsfoundation.org/>

PROPRIETER EK INPRIMER

Copyright : Green Reparations Foundation

LADRES

73, Lari Hajee Allaman, Plaisance, Rose Hill

TELEFONN 4674737

IMEL lekolozis.journal@gmail.com

RELASION NEOKOLONIAL ETAZINI ANVER MORIS

Diego Garcia, avek ou san lakor negosie ant Moris ek Rwayom ini, militer amerikin ki zordi reprezant enn menas pou Moris. An fet, pouvwar neo-kolonial ki Etazini finn exerse lor Moris avan mem so lindepandans, an 1968 pa finn arete e pe mem ranforsi avek ladminis-trasion Donald Trump.

Kan Prezidan Trump finn retard signatir lakor Moris-Rwayom Uni

Avek rekil, ean 2 size ki finn fer laktialite e ki paret an relasion avek desizion Donald Trump pou retard so repons konsernan lakor Moris-Rwayom Uni lor baz naval militer ameriken dan Diego Garcia (Naval Support Facility Diego Garcia) e retrosesion Larsipel Sagos a Moris. Pourtan, kote Sir Keir Starmer, ansien Premie Minis britanik, lakor-la ti'nn fini pas letap parlmanter.

Premie size, se debarkman enn ti-group sagosien etabli dan Rwayom Ini e dirize par Mandarin avek soutien Nigel Farage, lider lextrem drwat britanik. Zot finn azir parey bann ti mersener ki pe fer enn mikmak kou-de-ta. Dayer Komandan baz amerikin dan Diego Garcia pa finn alarme alor ki epizod dan ka bann Sri Lanke, vit-vit finn fer zot ale.

Deziem size, se propozision Prezidan Trump pou ki Etazini aste Diego Garcia alor ki so pei finn okip sa teritwar Moris-la san pey enn sou depi 1972.

Tretma Moris par Etazini depi 1965

Enn retrospektiv eska bann lane 60 montre ki Etazini inn an fet tret Moris, bien avan so lindepandans an 1968, kouma enn so koloni. An efe, kan Rwayom Ini finn expilse tou bann fami ki finn ne dan Larsipel Sagos, se pou ki Etazini konstrwir enn baz militer. Insi Etazini responsab bann soufrans atos ki bann fami sagosienn finn sibir an rezon enn tel expilsion. Depi 1975, bann manb Organizasion Fraternel (OF), atraver Komite Ilwa-OF, finn bizin lite par plizir grev lafin, manifestasion, rekour zidisier dan Moris e dan Rwayom Ini, et-setera, pou Sagosien gegn enn konpansasion. Finalman an 1982, Madam Thatcher finn aksepte donn o total, zis 4 milyon liv sterling (lepok kot liv sterling ti vo Rs. 15). Depi 1965 ziska 2026, Etazini pa finn debours enn dolar pou soulaz soufrans Pep Sagosien; enn soufrans ki limem finn provoke... An seki konsern Larsipel Sagos,

finn donn li stati BIOT (British Indian Ocean Territoty) – e finn separ li depi teritwar nasional an 1965, avan proklamasyon lindepandans. Bann konsekans an pert ekonomik ziska zordi, zot enorm pou enn ti-zil kouma Moris. Pourtan ki led ekonomik Etazini finn ofer spesifikman Moris depi 1972 ziska zordi pou itilizasion so teritwar pou enn baz militer konsidere par Prezidan Trump limem kouma baz pli inportan? Ki inestisman valab Etazini inn fer dan Moris depi lindepandans ziska zordi? Ki proze Etazini inn fer Moris?

Enn lakor dominer anver Moris ki pa pe mem respekte...

An 2025, refi Prezidan Trump lor lakor Sagos inn penaliz Moris ki ti'nn fini met dan so bidze 2025-26, 10 miliar ki Rwayom Ini ti sipoze verse si sa lakor-la ti'nn signe; enn lakor ki prevwar enn bay ki pou dire 99 an! An deor laspe militer, lakor prevwar ki sak devlopma ki Moris ena lintansion fer dan Sagos pou posib si Rwayom Ini e sirtou si Etazini dakor. Nou kone deza ki Rwayom Ini lor lord Etazini, interdi lapas indistriyel dan zonn larsipel-la.

Kanta nouvo Premie Minis Britanik, Andy Burnham, ek so gouvrenma ki li pe met anplas, zot finn deza donn lortorizasion Etazini pou itiliz baz Diego Garcia dan so lager ar Liran. Ar menas Liran pou atak tou bann baz Ameriken, rezion Losean Indien riske trouv li bien inplike dan konfli limite eska ler dan Mwayin Oryan ki finn res limite eska ler ki finn res limite eska ler.

2 lakor ki pa dan lintere Moris

Malgre tou sa bann dega-la e enn mank total respe anver Moris, lalians o pouvwar (PTr, MMM, Resistans ek Alternativ- e Nouveaux Démocrates), dirize par Dr Navin Ramgoolam depi Novam 2024, inn akeyir pandan enn semenn dan segon kinzenn Zwiye 2026, enn fason grandioz, lebra ouver, Madam Sarah Troutman, Sou-Asistant Sekreter Deta Ameriken pou Lafrik!

Ofisielma, vizit Madam Troutman ena 3 lobzektif: (i) sign 2 lakor, (ii) prepar some Etazini-Afrik lor biznes ki pou fer Moris le 6 eska le 9 Desam 2026 Moris, (iii) inspekte bann travo konstriksion nouvo lanbasad ameriken dan Pailles ki pe kout 14 miliar rroupi.

Moris inn vinn 7e pei afriken apre Botswana, Marok, Se-

negal, Angola, Rwanda e Nizerya signater Lakor AR-TEMIS ki an plas depi 2020. Dan lemond, selma 69 pei inn sign sa lakor-la ki, selon Lasinn e Larisi, li enn lakor ki protez zis bann drwa Etazini dan leksplorasion Lalinn. Deziem lakor ki Moris inn signe ar Etazini, se ACSA (Acquisition Cross Servicing Agreement) [1]. Sa, li konsern zesion katastrof natirel. Largiman lanatir finn deza itilize par bann Britanik pou fer zonn maritim Larsipel Sagos, e partikilierma Diego Garcia, vinn enn zonn maritim proteze pou so biodiversite... Me proteksion biodiversite sa reziyon-la, pe osi permet protez baz militer amerikin... Or, baz naval militer ameriken existe depi 1972. An 2026 ki Etazini propoz so koudme militer an ka siklonn ou ninport ki lezot katastrof natirel? Me avek politik etranzer ki Prezidan Trump inn amene eska ler, popilasyon Moris ena tou redout led ki pe propoze.

Me bann dirizan Moris pe aksepte tou seki bann gro pei inpoz lor nou ti pei, mem si zot pa finn mandate pou sa. Nou rapel ar ki fasilite ansien Premie Minis Pravind Kumar Jugnauth ti deklare, apre enn dine dan 'Maison Blanche' ar Prezidan Joe Biden, ki Moris dakor pou mintenir baz Diego Garcia. Zordi, nou konstat mem politik de lapar Navin Ramgoolam... Ki Moris pou gegne dan tou sa? Nou pa bliye 50% tax ki Trump finn inpoz lor prodwi ki nou pei exparte ver so pei, mem si li finn retir sa apre... Nou pankor kone ki pou arive avek AGOA (Africa Growth and Opportunity Act) ki expire le 31 Desam 2026 etan done ki finn deza menase pou aret li... Kouma proverb franse dir: 'chat échaudé craint l'eau froide'...

Enn konferans ki riske izol nou pei

Konsernan 'US-Africa Business Summit' ki Etazini inn swazir pou fer Moris, sa riske izol nou pei par rapor a bann pei Afriken. An efe, zot pe sibir politik ladministrasion Trump, 'America first', dan tou domenn: menas pou ferm tou bann lanbasad ameriken dan bann pei Afriken; ogmantasion tarif lor bann prodwi exparte lor marse Etazini... Ena osi retre Etazini depi WHO (World Health Organisation) e demantelma USAID (United States Agency for International development) finn koumanse an Fevriye 2025 pou termine an Septam 2026. Sa finn fer bokou ditor bann pei afriken lor plan lasante, lekonomi ek sosyal. Par exanp, HIV an ogmantasion an Afridisid ek EBOLA dan Repiblik Demokratik Kongo.

(Lir laswit paz 15)

Acquisition and Cross-Servicing Agreement (ACSA)

The Acquisition and Cross-Servicing Agreement (ACSA) provides the basic framework for cooperation in military logistic matters. This important international agreement provides for the exchange of logistic support, supplies and services on a reimbursable basis. It is focused on logistical support. The agreement does not, in any way commit a country to any military action.

As of October 2003, the US had ACSAs with 76 countries, including most NATO nations, as well as the NATO Maintenance and Supply Agency (NAMSA), NATO Allied Command Transformation, and SHAPE. At that time there were seven ACSAs awaiting final signature by the country and the appropriate combatant commander. As of mid-2004 the US had 76 ACSAs in place with coalition members, allies and other organizations worldwide.

ACSAs reduce logistics burdens and are considered "critical logistics enablers" by providing on site commanders increased interoperability, enhanced operational readiness and cost effective mutual support. The ACSA accomplishes this by establishing a mechanism to provide logistical supplies between two parties in exchange for reimbursement either in cash, replacement in kind, or equal value exchange.

An ACSA is an agreements negotiated on a bilateral basis with US allies or coalition partners that allow US forces to exchange most common types of support, including food, fuel, transportation, ammunition, and equipment. Authority to negotiate these agreements is usually delegated to the combatant commander by the Secretary of Defense. Authority to execute these agreements lies with the Secretary of Defense, and may or may not be delegated. Governed by legal guidelines, these agreements are used for contingencies, peacekeeping operations, unforeseen emergencies, or exercises to correct logistic deficiencies that cannot be adequately corrected by national means. The support received or given is reimbursed under the conditions of the acquisition and cross-servicing agreement [...]

[Acquisition and Cross-Servicing Agreement \(ACSA\)](#)

Demokrasi dapre Moris

Kouma pou Bidze 2025-26 (Hansard No30 of 2025), 'Finance Bill' e 'Economic and Financial Measures (miscellaneous) Bill' an rapor ar bidze 2026-27, finn prezante par Gouvernma Mardi 28 Zwiye 2026, dan Parlman e finn vote an segon lektir. Dan le pase, sa bann bil-la ti prezante ek vote, apre long vakans parlmanter ki koumans lafin Zwiye ou debi Out e ki fini an Oktob. Pou bidze 2026-27 ki bann depite inn bizin vote selon enn 'timetable' inflexib e ki Madam Speaker inn fer respekte, prezantasion 'Finance Bill' e 'Economic and Financial Measures (miscellaneous) Bill', finn programe pou pas so 3 lektir mem zour, Mardi 27 Zwiye 2026 avan gran 'break' parlmanter; seki finn amenn bann deba rakoursi e bakle. Dan so konferans de pres le Samedi 25 Zwiye 2026, Onorab Paul Bérenger, parmi so bann deklarsion, finn denons presipitasion Gouvernma ki pa pe donn bann parlmanter ase letan pou prepar zot intervansyon. Bann bil-la inn prezante an deziem lektir kot ti sel posibilite pou bann parlmanter fer zot intervansyon. Me tou finn pase dan Parlman kouma finn prevwar, parsi Gouvernma ena enn mazorite ekrazan e disiplin an fas lopo zision ki ar 5 manb prezan pa'nn fer pwa. Me kapav ankore dimande kifer Gouvernma pe prese koumsa? Eski ena kik depar irzan ki Premie Minis ek lezot Minis pou bizin antrepran biento? Eski introdiksion 'Finance Bill' avan vakans Parlman pe antisip preparasion 'US-AFRICA Business Summit' an DESAM 2026? Eski Gouvernma pe oule evit kik tansion sosyal par bann opozan, sindikal sirtou, si pasaz 'Finance bill' fer zis avan sa some-la? Me, li kler ki ar mazorite ki li dispoze, Dr Navin Ramgoolam pe azir kouma li anvi.

Dapre Konstitisyon ek lezot lalwa ki an viger, demokrasi parlmanter dan Moris existe, me li dan enn leta letarzik kouma li ti ete ena 58 an. Avek so bann gran mankman. Ena sirkonskripsyon ki ena 2 fwa pli gran nonb elektor/elektris ki lezot. Moris li enn rar pei dan lemond kot enn elektor ou enn elekris ena trwa vot ki li oblize itilize zour eleksion pou ki so biltin konte. Sistem divizion popilasyon an 4 kominote ankore dan Konstitisyon. Angle ek Franse, zot sel 2 lang otorize dan Parlman. Nou swete ki 'Constitutional Review Commission' ki fek institie pou anfin amelior, modifie Konsititision nou pei dan bon sans. Me, nou bizin 'vwar pou krwar' (Lir lartik intitile 'Constitutional Review Commission' dan page 5, sa nimeron *Lekolozis* la). An efe, Moris ena enn Parlman ki finn met dibout dapre enn Konstitisyon ki dat depi 1968 e ki pa'nn konn gran modifikasyon, apar amandman lor eleksion lezislativ sak 5 an e modifikasyon stati pou fer Moris vinn enn repiblik. Konstitisyon ek lalwa elektoral permet Pep Moris elir, sak sink an, enn nouvo gouvernma, me an 3 fwa (1981, 1995 e 2024), Pep Moris finn elir enn Gouvernma 60-0 ki napa finn tini ziska lafin manda. An 1981, Sir Gaëtan Duval inn bizin rant enn kees Lakour siprem pou ki ena enn lopo zision forme ar 4 depite nome, 4 'Best Loser' dan ansien Lasanble

lezislativ.

Bann parti ou bann lalians politik ki ti dirize par Sir Seewoosagur Ramgoolam, Sir Hajee Abdool Razack Mohamed, Sir Anerood Jugnauth, Sir Gaëtan Duval, Onorab Paul Bérenger, Harish Boodhoo, Dr Prem Nababsing, pa finn fer okenn reform konstitisyonel ou elektoral depi 1968 ziska 2024, apar sa 2 reform ki fek site isi. Zot inn prefer status quo dan lintere gran kapital ou bien tel ou tel kominote, pou zot gard pouvwar pandan enn serten letan. Zot inn get osi zot lintere personel. Zordi Moris inn trouv li divan enn Parlman 60-0 e enn lopo zision feb. Tousala fer ditore nou demokrasi. Dan Parlman ki Lepep ti eli le 11 Novan 2024, ena zordi trwa group lopo zision avek enn total 6 manb ki pa kapav tini divan enn Gouvernma ki ena enn mazorite absolue, ekrazan. Kisann-la inn oule enn sitiasyon parey? Nou pou ena tandans akiz lepep Moris. Sandout, li osi ena so par responsabilite kan li al vote, me an realite, pa finn ena okenn sanzma konstitisyonel ki permet li fer bon swa. Zordi lepep pe bizin konn viv ar enn realite ki so bann dirizan, ki finn vini e ale, pa finn ena lodas ek kouraz amande pou evit blokaz aktiel.

Avan dernie kasir an Mars 2026, Onorab Paul Bérenger, ki ti DPM finn fer bann propozisyon reform elektoral ki ti plito kosmetik e pa ti pou anpes enn 4^e 60-0, dan eleksion zeneral swivan. Li pa ti pe tous bann vre problem nou sosiete kosmopolit alor ki an 1969, lane kreasyon MMM, ti kestion etabli enn demokrasi direk dan Moris. So depar an 2026, insi ki depar Onorab Chetan Baboolall e Onorab Joanna Bérenger pa finn provok enn kasir kouma an Mars 1983 finn ena eleksion zeneral antisipe an 1984. 3 depite selma inn rant dan lopo zision an 2026, seki donn aktiel Gouvernma enn repi ki nou espere li pou servi pou fer bann reform ki Moris pe atann.

Par ayer, 2 evennman sosyal e politik finn deroule dan 2 wikenn le 11 ek le 19 Zwiye 2026. Premie, se gran manifestasyon dan Porlwi ki finn mobiliz plizir milie Morisien; deziem, miting Reform Party, La Louise, Katborn. Sa 2 evennman-la finn demontre ki Moris li ena enn demokrasi vigan. Me selma kan Dr Ramgoolam vinn deklare, lor MBC apre manifestasyon le 11 Zwiye, ki laliberte d'expression existe dan Moris, bizin fer li remarke ki dan ka konferans de pres MSM ki MBC finn kouver le 15 Zwiye 2026, Morisien pa finn trouv sa. MBC finn kouver zis Lider Lopo zision, Onorab Joe Lesjongard, alor ki Met Pravind Kumar Jugnauth, lider MSM, ki ti pe prezid sa konferans-la, li pa finn paret ditou. Lezot manb MSM ki ti prezan, ki zot osi finn sansire par MBC, pa finn paret ditou. Lezot manb MSM ki ti prezan, zot osi ti sansire par MBC. Pourtan, Lindi 27 Zwiye 2026, MBC pa'nn ezite pas lider MSM ki ti pe al divan FCC dan enn ka alege koripsion.

MWAYEN ORIAN

Lager pou kout Etazini \$ 104,5 miliar e inn fer 27,304 viktim ziskaler !

Lager Etazini/Israel kont Liran ek Liban ki ti koumanse le 28 Fevriye 2026 ti sipoze kouma latak sirpriz amerikenn dan Caracas, kapital Venezuela: enn lager rapid e regle dan 24 er. Me apre detrwa semenn, ti'nn vinn kler ki li ti pou pli long. Azordi, li'nn depas 5 mwa. Latrev ant Israel e Hezbollah dan Liban ankore tini. Par kont, ant Etazini e Liran, apre detrwa 'cessez-le feu' negosie dan Pakistan ek ayer ki ti abouti par enn lakor ferm signe par toulede pei, ala ki bann ostilite inn rebran depi le 10 Zwiye 2026, sirtou lor kestion kontrol Detrwa Ormuz.

Liran e Etazini revandik sa detrwa-la, enn pasaz maritim inportan pou bann tanker ki aprovizionn zot an Iran e lezot pei prodikter petrol. Prezidan Trump ti inpoz enn blokis lor pasaz dan Detrwa Ormuz e ti pe reklam enn drwa pasaz par tanker. Tre vit li'nn sanz so plan pou inpoz enn kontribision finansier. An retour, Liran finn tir misil ek dronn lor bann tanker ki li pa otorize pas dan Detrwa Ormuz.

Sa fwa-la, bann Houthis ki okip Yemen e ki lie ar Liran inn rant dan konfli-la. Li pe atak Larabi Saoudit ek bann navir dan Mer Rouz, enn lot pasaz maritim inportan pou bann tanker ki transport petrol depi Larabi Saoudit ek lezot pei dan sa rezion-la. Insi, blokis Detrwa Ormuz ek Detrwa dan Mer Rouz pe rann inposib tou transpor maritim, ar rezilta ki tou bann prodwi

pe vinn bien ser. Reperkision lor pri bann prodwi inporte pe grinpe ou bese bonavini. Pri petrol, gaz e lezot prodwi pe sibir mem instabilite. Kan ena poz dan lager, pri petrole bese, kan ena atak par dronn ek misil, pri ogmante.

Me lager ki Etazini inn deklanse kont Liran azordi pe kout bann Ameriken tre ser. Le 21 Zwiye 2026, Sekreter d'eta Ladefans ameriken inn vinn reklam devan Komite Apropriasion Sena, enn som adisionel 67.1 miliar dolar alor ki deza Etazini inn fini depans 37.7 miliar dolar dan sa konfli-la. O total, sa pou fer 104,6 miliar dolar pou enn lager ki Prezidan Trump ti deklare ki Etazini inn fini gagne. Dapre lakor ki ti signe ant Etazini ek Liran me ki pa'nn respekte, Etazini ti pe aksepte rekonstrwir seki li'nn detrwir dan Liran.

Kote kantite lavi ki finn perdi, Liran ek Liban inn ena plizir milie mor : 8,975 an Iran, 18,309 dan Liban e 18 Etazini [1]. Me ena kontestasion lor enn parti sa bann sif-la. Antouka si ena enn bann ki pe tap plin ar lager, se bann prodikter zarm.

Dan Moris, Minis Komers, Onorab Bernard Sik Yuen inn retrouv li ankore enn fwa lor labrez. Vitvit li finn tant inform popilasyon depi le 16 Zwiye lor sitiasion stok bann prodwi petrole Moris.

Sylvio Michel

[1] [Iran War Casualties 2026: US, Iran & Civilian Death Toll Tracker](#)

Demokrasi dapre Moris (Laswit paz 4)

Apre enn lanket ki finn dire 11 er'd tan dan FCC, MBC inn revinn montre ansien Premie Minis ki ti paret fatige dan so bann demeले ar lazistis!

Kanta miting Reform Party, La Louise, li ti enn sikse pou parti-la me li finn ena osi enn lefe oportinis ek divizionis. Lamazorite bann parti politik lopoizion ti'nn deza koumans sorti dan zot lizolma pou partisip dan manifestasion le 11 Zwiye 2026 e montre zot solidarite kont reform pansion. Me kan 19 Zwiye La Louise, Reform Party organiz enn miting e pe prezant so lider, Met Rosh Bhadaï, kouma prosin Premie Minis, alor ki prosin eleksion zeneral pou ena dan 40 mwa, parti-la inn met an avan kapital politik ki li pe rod tire lor reform pansion. Li pe fer inpe kouma lansien Komiser Polis, defin Raj Dayal, ti fer dan so lepok; me zame li pa finn eli depite. MSM osi inn organiz so miting dan Flak le 29 Zwiye pou montre, parey kouma Reform Party, ki so lider li la pou asim fonksion PM. Li paret ki lantant ant bann parti politik lopoizion pa dan zot azinda, seki les laport ouver pou Dr Navin Ramgoolam azir kouma li anvi.

Anplis, lapel ki Reform Party finn fer pou ki Onorab Sydney Pierre rezwenn Reform Party, montre ki sa parti-la pe promouvwar politik transfiz ki negatif lor plan demokrasi.

Okenn 'Private members' motion?

Dan Parlman gouvèrnma presedan, ti ena zis detrwa mosion prive ki bann manb ti soumet, me zis mosion Dr. David ki finn debat e la osi, lor plizir sesion dan plizir lane avan ki Parlman gagn so gran 'break', an Zwiye ek an Desam. Aktielma lalis bann mosion prive bann backbenchers Gouvèrnma introuvab lor sit Lasanble Nasional; eski zot swazir pou res trankil alor ki kan Madam Speaker limit zot intervansyon dan ninpor ki deba, zot pa kontan? Eski ena enn mo-dord ki anpes zot depoz mosion prive? Mem Lopoizion inn swazir pou pa soumet mosion prive. Pourtan, mosion prive enn lokasion pou depite intervenir an faver zot sirkonskripsion ou pou Moris. Zot ena ler pe bliye ki alafin zot manda kot zot pou bizin retourn divan zot bann elekter e elektris pou rann kont zot bilan lor 5 an. Lerla li pou tro tar.

Ninport ki backbencher kapav prezant enn mosion prive. Par exanp, lor ka bann zanfan ki an vakans skoler e ki zot fami travay san posibilite ni mwayin pou ofer bann vakans agreab. Enn mosion prive lor sa problem ti pou permet minis Ledikasion ansam ar minis Zenes e Spor, Minis Ar e Kiltir elabor enn program pou sa bann zanfan-la pandan sa mwa vakans la; sirtou ki Minis Ledikasion ti promet reform sistem ledikasion depi Avril dernie...

Sylvio Michel

Constitutional Review Commission

Quel nouveau paysage démocratique et politique en l'absence d'une réforme des communautés ?

Comme cela a déjà été dit et répété : la Constitution de la République de Maurice qui est un héritage direct d'une constitution d'origine coloniale nécessite des changements en profondeur. Les grands choix et le contenu de la Constitution mauricienne ont été, en effet, discutés et rédigés, dès 1961, par un trio: des hauts fonctionnaires du Colonial Office, notamment, Prof. S.A. de Smith, Sir J. Rennie, Gouverneur de Maurice et Sir A. Greenwood, alors Secrétaire d'État aux colonies [1]. Pendant plus d'un demi-siècle, c'est-à-dire depuis 1968 jusqu'en 2026, les institutions politiques de Maurice fonctionnent sur des principes qui ne connaissent pas une indépendance constitutionnelle en bonne et due forme.

Introduit à l'Assemblée nationale par le Premier ministre, Dr Navin Ramgoolam, en première lecture le 19 mai 2026 [2] et adopté le 2 juin 2026 [3], le Constitutional Review Commission (CRC) a pour objectif la révision et, dans le même temps, une réforme de fond en comble des dispositions de la Constitution.

La CRC va apporter les réformes suivantes :

1/ L'introduction d'une loi relative à la liberté d'information [4]. En effet, en plus de cinquante ans, tous les Mauriciens et toutes les Mauriciennes n'ont pas le droit d'accès à l'information.

2/ Un comité spécial afin de mettre un terme aux nominations politiques au sein des institutions publiques [5].

3/ La date des élections locales devra être officielle [6]. Toutefois, Il n'a pas été précisé si la date officielle de ces élections sera fixée dans la Constitution ou par un texte législatif séparé.

4/ L'institution d'une Cour d'appel séparée de la Cour suprême [7]. Une telle proposition a été faite, en 1998, par la Commission dirigée par Lord Mackay.

5/ La Cour suprême sera dotée d'une Cour constitutionnelle [8].

6/ La CRC examinera les moyens de renforcer la protection des droits fondamentaux et de consacrer, en tant que garanties constitutionnelles, ce que l'on appelle les droits de nouvelle génération — à savoir, le droit à un environnement sain, le droit à la santé et le droit à l'éducation — ; des droits reconnus par des traités internationaux auxquels Maurice est déjà partie [9].

7/ La CRC sera habilitée à examiner l'instauration d'un collège électoral pour l'élection du président de la République, en vue de renforcer la gouvernance démocratique par la mise en place d'un mécanisme de

sélection du chef de l'État plus réfléchi et plus représentatif, plutôt que par un suffrage universel direct à l'échelle nationale [10].

8/ La CRC examinera un ensemble complet de réformes électorales : un renforcement des pouvoirs et de l'indépendance du Commissaire électoral et de la Commission de supervision électoral ; un accès plus rapide à la justice en cas de contentieux électoral ; et l'introduction d'une composante proportionnelle dans le système électoral afin de refléter plus fidèlement la volonté populaire [11].

9/ La CRC va également envisager la réglementation du financement des partis politiques ainsi que le droit des électeurs de révoquer leurs représentants en cas de faute grave [12].

10/ La CRC sera chargée d'examiner l'introduction de dispositions visant à empêcher le transfugisme, c'est-à-dire, le changement d'allégeance politique des membres de l'Assemblée nationale. Il s'agit d'éviter que des parlementaires élus ne changent d'allégeance politique opportunément après les élections en échange d'avantages personnels, d'un poste ministériel ou de faveurs politiques. Un dispositif anti-transfuge pourrait favoriser la responsabilité et garantir que les gouvernements soient formés et maintenus sur la base de principes et d'une légitimité électorale, plutôt que sur des marchandages politiques et des incitations [13].

La mise sur pied de la Constitutional Review Commission constitue sans doute une avancée, une étape importante pour des réformes constitutionnelles que la population attend depuis des années et qui indispensable pour le bon fonctionnement de la démocratie à Maurice. Cependant, selon ses objectifs, cette commission ne touche, malheureusement, pas à un problème de taille qui gangrène la société mauricienne : la communauté de la population générale parmi les quatre communautés ethniques inscrites dans la Constitution de Maurice. Par conséquent, les descendants d'esclaves dont les grands-parents sont venus de plusieurs pays d'Afrique, ils continuent à être privés d'une identité propre alors la différence des autres communautés reconnues par la Constitution. Depuis 1968, ils se retrouvent bloqués dans la communauté Population Générale où leur identité africaine est obli-térée. Le Premier ministre pourrait arguer qu'un autre comité a été institué pour s'occuper de la question des communautés. Mais voilà ! L'autre comité en question satisfait sans doute les dirigeants de Rezistans ek

(La suite en page 15)

Élie Michel Memorial lecture 2026

Zot ti anviron 80, Dimans 19 Zwiye 2026, ki finn reponn linvasion Green Reparations Foundation (GRF) pou 'memorial lecture' organize an loner Élie Michel e bann manb Fraternels ki finn desede. Sa sif-la inpe mwins ki enn santenn ki abitie prezan sak lane. Me kouvertir live lor Facebook finn rann levennman-la aksesib pou ki enn pli gran nonb dimounn tann koz non selma koz lor realizasion bann defin manb, me osi lor bann aksion GRF an 2026.

Lakaz EDC an amiant

Warren Malepa ki finn prezid sa 'memorial lecture'-la, finn pas laparol Sylvio Legallant dabor, ki finn koumans par rapel konsekans so diskour Mon Choisy, le 12 Avril 2026 devan plizir milie dimounn: kestion lor lakaz an amiant finn revinn dan deba parلمانter; Minis Lozma finn bizin pran sa kestion-la seryezma. Me Selma Sylvio Legallant finn konstate ki dan diskour bidze 2026-2027, pena okenn item ki finn bidzete lor demolition lakaz an amiant e rekonstriksion nouvo lakaz. Pourtan dan Parلمان, Minis Lozma ti'nn anons so ferm lintansion met enn term ar saproblem ki finn dire tro lontan e ki so bann predeser pa finn konn regle. Li finn anons solision pou regle problem sa bann abitan-la: esanz zot later kont enn lozma; enn soutien finansie pou rekonstriksion enn nouvo lakaz, si zot oule gard zot later.

Alokasion Élie Memorial Lecture, Sylvio Legallant finn invit bann dimounn fer memwar bann abitan la-

kaz an lamiant ki finn mor alaswit enn kanser ki zot inn kontrakte dan bann lakaz an amiant. Li finn koz an partikilie lor enn mama ek so tifi ki finn malad ar kanser apre ki zot finn fer kraz zot lakaz an amiant a zot fre pou rekonstrwir enn lot. Toulede finn desede san ki zot finn profit zot nouvo lakaz.

Konsernan lavant bann later site CHA ki propriete gouvernma

Sylvio Legallant finn transmet linformation lor pou ki bann abitan ki pankor aste zot later site, vinn proprietier pou enn som Rs. 2,000. Pou sa, zot ranpli form ek depoz li minister Lozma ek Later dan Eben [1].

Linportans enn memorial lecture an loner Élie Michel ek lezot manb Fraternel desede

Sylvio Michel finn oule koumans par aport detrwa prezision lor kestion lakaz an amiant ek bann later site ki pankor kapav aste parski zot pankor vinn later gouvernma (later 5/59 site). Li finn rapel ki konstriksion bann lakaz an amiant finn koumanse an 1963 avek Sir Abdool Razack Mohamed, ki ti Minis Lozma, enn lepok kot sandout pa ti ankore konn lefe lamiant lor lasante. Sylvio Michel finn ankore enn fwa denons enn linzistis anver bann fami desandan esklav ki touzour pe atann solision pou zot lakaz alor ki dan ka lopital Candos, Government House ek batiman Emmanuel Anquetil Port-Louis, kouma finn aprann ki ena bann parti ki an amiant, finn fer leneser pou protez



bann pasian ek bann staf...

Lor kestion later ki pankor kapav aste, Sylvio Michel finn inform bann dimounn ki Didier Michel, antan ki Sekreter GRF, finn ekrir Minis Lozma lor sa size-la. An labsans enn repons, bann manb Fraternel pare pou al manifeste devan minister Lozma a kondision ki bann dimounn konserne vinn partisip avek zot...

Konsernan Élie Michel Memorial Lecture, Sylvio Michel finn soulign so linportans etan done ki an deor bann Fraternel, pa kapav kont lor bann lotorite pou rekonet travay Élie Michel. An 2015 finn ena enn propozision de lapar MMM pou donn lafwar Plaisance, Rose-Hill, nom Élie Michel. Me kouma finn fer sa propozision-la pandan kanpagn elektoral, lafami finn demande ki remet sa proze-la apre eleksion. Rezilta: MMM finn donn lafwar-la nom enn so

bann militant desede. Pourtan finn fer lafwar-la lor enn mision Élie Michel kan li ti Konseye Minisipal. Me Sylvio Michel finn rekonet ki so frer pa ti kontan bann tit.

2e orater finn rapel ki so frer finn fer bokou kiksoz pou so pei alor ki li finn kit lekol nivo segonn kot li finn pas 4 an. Kan finn met li deor, li finn aprann travay dan labousri dabor e answit dan patisri.

Pourtan, Élie Michel ti a lorizinn plizir lalit bann Fraternel: lalit pou drwa bann Chagossiens, pou bann abitan site ki ti'nn expilse apre eleksion 1967 alor ki pandan kanpagn, Gaetan Duval ti'nn ankouraz zot pa pey zot lwaye lor promes ki zot pou gegn lakaz kado kan li eli. Plitar, kan Anerood Jugnath finn desid pou aret konstrwir lozman sosial, finn bizin plizir manifestasion pou ki so gouvernma met NHDC dibout.

Sylvio Michel finn rapel ki GRF pe onor osi memwar lezot manb ki finn partisip dan lalit Fraternel. Li finn propoze ki afis foto ek nom tou sa bann manb-la dan sant Fraternel ki pou konstrwir, dan site La Cure, Porlwi.

Enn kees kont MBC pou ameliore zournal parle an Kreol Morisien ek tou lezot lang

Jocelyn Marisson finn intervenir lor aksion ki Green Reparations Foundation finn antre pran sa lane-la pou ki MBC donn zournal parle 7:00 pm an Kreol Morisien, enn meyer tretma.

Li finn rapel lalit ki bann Fraternel finn amene pou ki MBC program enn zournal parle an Kreol. Lalit-la finn komanse an 1973 kot zot ti bizin fer enn lamars ant Legliz Ste Thérèse ek Cité Atlee parski Komiser Polis pa ti'nn donn lotorizasyon manifeste devan MBC. An 1990, zot finn bizin gegn rekour Lakour Siprem pou fer zot manifestasyon devan MBC. Me kouma bann manifestasyon pa finn amenn rezilta, an 1998, Sylvio Michel finn rant enn kees kont MBC, Lakour Siprem. Me lakor alamiable ki MBC propoze devan lakour, abouti an realite a enn biltin 10 minit, midi. Fodre enn lakor elektoral VF avek MSM pou eleksion 2000, pou ki gegn anfin enn zournal parle an kreol programme 7:00 diswar pou 20 minit.

Jocelyn Marisson finn eksplike ki kees ki GRF pe prepare kont MBC sa lane 2026 la, motive par tretman inferyer ki zournal parle dan lang nasional bann Morisien sibir an konparezon ar zournal an Franse 7:30 pm... GRF inn desid rant kees-la

an kour apre ki MBC inn deklare sourd non selma apre let ki ti avoy li apre, me osi apre manifestasyon le 1^e Fevriye 2026 ek enn 'mise en demeure' ki finn kout Rs. 23,000.

Reparasyon ekonomik

Pou koumans so lintervansyon, Didier Michel finn souligne ki aksion kont MBC si pe al lakour, pou kout antouplis ki Rs. 100,000. Li finn aussi presize ki GRF depans par an, Rs 110,000 zis pou ki li kontinie gegn drwa existe: Rs. 62,000 pey enn lantrepriz ki li oblize ena pou so servis sekretarya, Rs. 9,000 pou license ki bizin pey Registrar. Tou sa depans-la finanse par kontribisyon bann manb.

Lor size reparasyon, Didier Michel finn rapel ki mosion ki Jean-Claude Armance finn depoze an 2001 e li finn bizin sibir 2 amandman pou ki Parlman rekonet Lesklavaz antan ki enn Krim kont Limanite apre 3 an kot Gouverner MSM-MMM, sa lepok-la ti pe adpote bann 'delaying tactics'. De so kote, devan refi Premie Minis sa lepok-la. Onorab Paul Béranger pou met dibout enn komite lor reparasyon, Sylvio Michel finn bizin demisione depi so post Minis Lapes.

Pourtan pou ki bann desandan esklav sorti depi sitiasion lamizer ek dominasyon kot zot ete, sel solision, se reparasyon ekonomik.

Didier Michel finn met an avan bann dernie developman lor reparasyon ki li finn prezante kouma enn repons Bondie a bann Fraternel ki finn amenn zot lalit dan sakrifis, souffrans, mepri ek reze bann lotorite e lasosiete. Li finn anons reynion ki Na-

sionzini pou fer an Septam sa lane 2026-la, lor reparasyon finansier pou bann desandan esklav an Afrik ek dan lemond. Kote Legliz Katolik, Lepap Leon XIV dan so dernie ansiklik sa lane-la touzour, finn demann pardon; enn evennman ki finn pas 'inaperçu' dan diosez Porlwi. De so kote Lafrans pe fer fas bann vag saler extraordinaire [ki bien atristan e inkietan pou nou malgre tou]. Pandan so vizit Moris, Prezidan Macron finn ignor nou reket pou zwenn bann reprezantan Fraternel lor lesklavaz ek reparasyon, e pa finn dir enn mo lor sa size-la dan bann diskour ki li fer a sa lokasyon-la...

Didier Michel finn osi fer ressortir ki gouvènmamorisien pa finn pran pozisyon konsernan reynion ki Nasionzini pou fer an Septam 2026. Pourtan, rapor Truth & Justice Commission ki Dr Navin Ramgoolam limem ti met dibout en 2009, finn konfirme, depi 2011, ki bann sekel lesklavaz ankor prezan dan Moris.

Alafin, Sylvio Michel finn rebran laparol pou souligne ki lalit bann Fraternel pou reparasyon remont depi kreation OF. An 1968, zot ti'nn swazir kouler maron pou zot drapo an memwar bann esklav maron ki finn lite pou zot liberte; se zot lorganizasyon ki finn met dibout 1^e moniman an memwar bann anset esklav dan Moris, dan Zardin Konpagni...

Not:

[1] <https://housing.govmu.org/Documents/Housing/Application%20Form.pdf>

Detrwa nom parmi lezot manb ki finn bien implike

Louis Legallant, Marcel Cerveaux (Papa Roger Cerveaux),

Madette Ladouceur, Claudoual Juliette,

France Charles Berthelot, Raymond Lucille Flore,

Armand e Murielle Pierre Louis, Pierre Fantaisie,

madam Olga lebon, Regis Modeste, Mr Sarah,

Gaetan e Bernadette Gungaram, Georgy Candahoo,

Rene Lafont, Serge Therese, Marie Noelle Anodin,

Sylvie Tanner, Roseline Marcelin, Anne Marie Sophie,

Helene Tuyau, Marguerite Olimpe, Josiane Talinga,

Anne e Raoul Michel, Nancy Shebou, Ino Nackeed,

Stephanie Police, Fernande Werhli, Gérard e Mario Michel,

Mahomet, Florence Bon, Marie Luc, Christina Eners-tine,

Santer sega Michel Legris, Pierrot Lascar, Joyce Heloise,

Mm Carpenen, Madam Nizlin, Madam Landinaff,

Josiane Telvar, Armand e Dolly Duval, Edwin Cherie,

Madam André, Lindsay François, Evelyne France d'Argent,

Simon Brasse, Clement Rabot, Gisele Ricaud, Benoit Darcet,

Benoit Barbe, Cyril labonne, Sydney Dorestan,

Madam Lanappe, Ivy Caramedon...

Konba Fraterne: 1982-2000 (Tom II)

SYLVIO MICHEL

SAPIT 3 - 1984

‘L’Organisation Fraternelle’ kit lalians

MSM/Travailliste

(Laswit Lekolozis No 66)

‘L’Organisation Fraternelle’(OF) vinn ‘Front des Travailleurs Socialistes’(FTS)

Isi mo bizin ouver enn parantez. An Avril 1984 ti fer 4e fwa lor depi 16 lane ki li ti finn kree, ki OF inn bizin fer fas enn nouvo defi ki finn menas so lexisans mem. Deza, an Avril 1969, OF finn fer fas rediksion so bann brans apre ki Sir Gaëtan Duval, lider PMSD, ki pa ti’nn reisi rekiper premie rasanbleman OF dan Mon Choisy, finn menas detwir lorganizacion-la partou kot li ete dan Moris. Sa finn provok enn enorm dega parski plizir brans fraterne dan rezion Kirpip finn disparet. Bann ki ti pros ar PMSD finn desid pran distans ar OF. Apre sa, an 1970, finn ena kan OF finn refiz integre ‘LOAC’ (Ligue Ouvrière d’Action Catholique) kouma Levek ti’nn propoze, li finn perdi posibilite itiliz bann lasal parwasial kot li ti pe fer reynion. Finn ena osi enn bon kantite disidan ki finn kit lorganizacion. Plitar, an Mars 1983, kan OF inn swazir pou kit MMM, depite Ariane Navarre e enn group militan ki ti’nn infiltre so bann brans, finn ofisielma retir zot kom manb OF. Anfin, an Avril 1984, finn ena mem senaryo kan depite Georgy Candahoo finn swazir res dan lalians o pouvwar, MSM-PMSD. Tou so bann manb dan Riche Terre/Terre Rouge finn kit OF.

Me sa lane 1984-la, finn ena osi desizion bann dirizan OF zot-mem pou fer OF, ki ti enn mouvma sosial, vinn enn parti politik pou ki li nepli res bloke dan domenn sosial e insi, aret zwe rol beki dan sak eleksion pour lezot parti politik Moris. Ti’nn ler pou milit lor terin politik pou fors bann gran parti politik pran desizion politik ki bizin.

Li bon rapel isi ki OF ti kree an Zanvie 1968, apre ki violans rasial ti’nn eklate ant Mizilman e Kreol, 2 group etnik ki ti milit pou PMSD kont lindependans pandan kanpagn elektoral 1967. Gras a travay sosial e politik OF pandan 16

lane, finn posib met dan gran lizour mizer, marzinalizasion ek dependans ekonomik bann Kreol ki fer parti Popilasion Zeneral, lor 4 kominote etnik ki finn etabli par Konstitusion Moris. Konba ki ti’nn livre, depi 1968 eska 1984, ti’nn zis permet koz piblikman lor tou sa bann problem-la san resi regle okenn parmi. ‘Comité Ilois/OF’ ti ‘dormant’ apre enn long konba pou enn konpansasion an faver Pep Sago-sien; komite Anti Somaz ti touzour la, bann sef fami somer ti pe gagn enn alokasion somaz san gegn travay; ‘Asosiasion Lozma’ ti’nn reysi aret expilsion bann rezidan andete an rezon kanpagn politik ki PMSD ti’nn amene avan lindependans. Me ti ena ankor ka enn milie fami skwaterz dan site CHA ki Gouvernma MSM-PMSD pa ti pe oule regle malgre promes elektoral...

Le 1^e Me 1984, lasal minisipal Dr Alex Vellin[1], Beau Bassin, ti deborde ar delege ki bann dirizan OF ti’nn konvoke pou enn lasanble zeneral extraordinier. An efe, mo ti’nn fek demisione e par solidarite ar mwa, Met Hervé Lassémillante, li osi ti demisione kom manb ‘Disciplined Forces Service Commission (DFSC)’ e avek so soutien, bann dirizan finn konvok enn lasanble zeneral.

A lazinda ti ena 2 item, (i) Mo demision selon mo version e (ii) kreasion enn nouvo parti politik.

Met Hervé Lassemillante ti ‘vet’ mo deklarasion ki mo ti pou lir devan lasanble delege. Li ti oule asire li ki mo respekté lalwa, sirtou lor deliberasion Kabine. Lot parti lazinda ti konsern stati nouvo parti ar so bann lobzektif e striktir demokratik.

Dan Moris, lanrezistreman bann parti politik ar *Electoral Supervisory Commission* (ESC), fer zis dan kad eleksion lezislav. OF ti fonksionn dapre stati enn lorganizacion sosial aprouve par ‘Registrar of Associations’. Lasans nou ti ena, se ki nou ti fonksionn lor enn stati ki finn permet nou resvivan depi 1968 eska 1984, malgre tou bann sekous ki nou finn souligne.

Nou pa ti gagn difikilte pou fer aprouv kreasion enn nouvo parti. Me selma, sa zour-la, enn group finn desid pou kontign zis ar travay sosial e finn desid par konsekan retir zot. Nom nouvo parti-la ti an Franse dapre koutim lokal, ‘Front des Travailleurs Socialistes’ (FTS).

150e laniverser Larive Travayer angaze

An 1934, sosiete sosio-kiltirel ki ti rasanble bann intelektual kouma Dr. K. Hazareesingh, Annauth Beejadhur, Basdeo e Sookdeo Bissoondoyal, ar soutien bann politisien, notaman B. Ramlallah, SVR, SSR, finn komemor santener larive travayer angaze, dan Coolie Ghat, ki koste Lagar Lenor, Porlwi; landrwa kot imigran sorti Lind ti debarke, par plizir milie. An 1834, premie group imigran indien ti debark lor sol morisien alor ki popilasyon esklav ti ankore sibir laprantizaz ki finn dire 4 an. Avek soutien finansie gouvènma Moris, Lind e expertiz indien, Coolie Ghat finn devlope kom enn sit istorik inportan dan lepok kontanporin. Sak lane komite adminstratif organiz enn komemoration pou mark larive travayer angaze. Kouma finn mansione dan sapit presedan, Moris finn bizin atann an Out 1983, enn semenn avan eleksion zeneral, pou ki, a linisiativ Onorab Harish Boodhoo, organiz enn selebrasion ki finn implik Coolie Ghat e Moniman Esklav ki sitie dan Zardin Konpagni. Pou 150e laniverser larive travayer angaze, an 1984, Premie Minis SAJ finn komemor sa 2 levenma-la separeman, alor ki, an Oktob 1977, antan ki Lider Lopoziyon e lider MMM, de so kote, li finn amand mo mision prive pou ki, sak 1e Fevriye, komemor ansam labolision lesklavaz e larive travayer angaze.

Minister Ledikasyon e Kiltir finn met dibout enn komite nasional kot pa ti ena okenn reprezantan kominote Sinwa ek Mizilman. Enn troika ti nome pou diriz komite-la: Utam Bissoondoyal, alor Direkter « Mahatma Gandhi Institut » (MGI), Madam Sarita Boodhoo, aktivis angaze dan promotion kiltir indou, e Rivaltz Quenette, alor manb « clerk 's office » dan Lasanble Lezislativ. Labsans 2 kominote-la dan komite nasional finn amenn sosiete sosio-kiltirel Sino-Morisien e otorite reliziez mizilma organiz, sakenn, an prive, zot prop komemoration.

Komite Nasional finn etabli enn kalandriye aktivite lor larive travayer angaze, e labolision lesklavaz, an 2 letap depi 31 Out, 1984 ziska 1e Me, 1985. Pou 150e laniverser larive travayer angaze, bann aktivite swivan finn organize: prozeksion enn dokimanter lor imigrasion indienn, devwalma enn moniman dan vilaz Antoinette, vizit d'Eta Prezidan Larepublik Lind, Zail Singh. Tit dokimanter ti 'Saga des Immigrants Indiens', ki finn realize par M.T. Narasimhan, sineas indien, e ti retras imigrasion indienn dan Moris. Tournaz ti komanse dan 'Château du Réduit' ar SSR kom prinsipal 'akter'. Li ti a lepoi, Gouverner-Zeneral. Finansman dokimanter-la ti enn gro problem. Enn reket finansma ki Komite nasional ti fer a 'Mauritius Sugar Planters Association' (MSPA) pa finn abouti: MSPA ti pe rod dabor ki li gagn enn kopi senaryo dokimanter-la. High Commission' Lind ek bann kor paraetatik ki finn bizin trouv enn solision pou

sa problem-la. Dokimanter-la ti prezante an Oktob 1984, an prezans Zail Singh, Prezidan Lind.

Dan ti vilaz Antoinette-Phooliyar, kot 75 travayer angaze ti koumans travay an 1834, komite nasional finn organiz enn semenn aktivite depi le 27 Out eska 2 Septan 1984. Onorab Kishore Deerpalsingh, Minis Lagrikiltir, ti organiz enn 'Agricultural Day', le 30 Out 1984, kot li finn pran laparol. Li finn sit bann done lor kominote ti planter ki merit mansione isi [2]:

'Le ministre a souligné que c'est par la parcellisation de terres que le « petit planteur » a vu le jour. Il a ajouté qu'en 1910, les petits planteurs détenaient 40,000 arpents de terres sous canne, représentant 30% de la totalité des champs de canne. Il existe aujourd'hui 33,000 petits planteurs détenant 50,000 arpents de champs de canne, superficie qui représente plus de 30% de terres sous culture de la canne. Le ministre a souligné que même après l'abolition de l'esclavage, les conditions de travail furent très dures. Les 75 premiers laboureurs arrivant de l'Inde furent recrutés en 1834 par M. Arbuthnot, un agent des planteurs mauriciens. Trois ans plus tard, le nombre d'immigrants indiens s'élevaient à 7,000.'

Le 2 Septan 1984, dan sa vilaz-la, kot plizir milie dimounn ti prezan, PM finn devwal moniman exekite par Mala Chum-mum pou ilistre kontribision imigran indien e zot desandan dan devlopman sosio-ekonomik Moris.

San dout, lanpler popiler komemoration 150e Laniverser Larive Travayer Angaze finn sirprann bann dirizan MMM ki ti pe prepar 15e laniverser fondasion MMM, par enn spektak 'le cœur en fête' dan Stade de Rose Hill, pou le 30 Septan 1984. Zot finn alor deside pou ki MMM gegn enn par dan komemoration 150e larive-la. Le 31 Out 1984, Minisipalite Porlwi finn propoz enn zimlaz ar New Delhi; Minisipalite Vacoas-Phoenix ar Patna, kapital Bihaar; Minisipalite Beau Bassin-Rose Hill ek Minisipalite Curepipe ar Maputo. Me, pou ki sa bann zimlaz abouti, finn bizin itiliz kanal diplomatik e Gouvènma pa finn donn so lakor pou bann zimlaz-la. Tou finn fini lamem.

Parmi bann dernie item pou komemoration 150e Laniverser Larive Travayer angaze ti ena: enn festival film indien (16 Oktob-30 Novan 1984) ar bann stars sinema indien; enn seminer dan MGI (22-27 Oktob 1984) ar partisipasion bann delege Fiji, Sri Lanka, Trinidad & Tabago, Surinam, Rwayom Ini, Lafrans, Letazini, Lind, Gwiyan e enn lafwar komersial.

Pandan so vizit (22-27 Oktob 1984), Prezidan Zail Singh finn partisip dan plizir aktivite e parmi ti ena poz premie

pier lopital Jawalall Nehru (Rose Belle), finanse par gouvèrnma indien. Dan so diskour louvertir pou seminer MGI lor tem 'Indian Labour Immigration', Prezidan Zail Singh finn esprim sa panse-la : *'Je pense qu'une société qui ne se souvient pas de son passé ne peut jamais bien modeler son avenir. Dans les moments difficiles, une société cherche l'inspiration dans son histoire et, dans les temps calmes, l'entoure de nobles principes. C'est mon plus grand désir que vous réussissez cela.'* [3]

Minisipalite Porlwi ti sibir enn deziem afron pandan sa komemorasion-la. Li ti oule ofer Prezidan indien 'citoyenné d'honneur' me gouvèrnma morisien finn obzekte. Pourtan, kan an 1982 Madam Indira Gandhi, alor PM indien, ti an vizit Moris, mem minisipalite ti'nn ofer li 'citoyenné d'honneur'. Me an 1982, Moris ti dirize par lalians MMM-PSM ar Anerood Jugnauth kom Premie Minis. Me Prezidan Zail Singh, 'homme d'état et politicien habile', finn al rann omaz bann anset esklav devan Moniman Esklav dan Zardin Lakonpagani.

Apre so visit Moris, Prezidan Zail Singh finn al Yemen kot li finn aprann asasina Madam Indira Gandhi par so 'bodyguards', le 31 Oktob 1984.

Aktivite paralel pou rapel kontribision kominote sinwa e mizilma

Kouma inn deza mansione dan sa sapit-la, bann aktivite paralel prive ti organize par sosiete sinwa e lotorite relijiez mizilma pou rapel gran kontribision ki sakenn sa 2 kominote-la finn aporte dan devlopma kiltirel, sosial ek ekonomik Moris. Sa 2 kominote-la pa ti'nn inkliir zot dan komite organisasion gouvèrnma.

Lotorite relijiez mizilma ti organiz nef zour aktivite pou mark laniverser Moske *Al-Aqsa* ki ti konstrwir an 1805. Ti enn lokasion fer rapel ki Ignace Sobdar ti adres 3 petition bann gouvèrner franse lor nom bann abitan 'Camp des Lascars' ant 1798 ek 1805. Dan koumansman, Moske-la ti akeyir bann travayer mizilma; li ti konstrwir lor enn terin 260 twaz ki ti aste pou 213 fran e 5 santim rekolte atraver enn laket piblik [4].

Lor nom kominote sinwa, klan Fock ti organiz aktivite pou mark santener sa sosiete familial-la, ki ti anrezistre le 31 Zanvie 1885. « Fock Diack Society » e « Nam Shun Fooy Koon », 2 sosiete sekour mitiel, ti komemor 125^e laniverser zot fondasion.

Komemorasion 150^e abolision lesklavaz depi 1984, gras a FTS.

Depi Septam 1984, FTS ti pe koumans komemor 150^e laniverser abolision lesklavaz par bann manifestasion kiltirel atraver Moris. Sa ti koumanse dan site Per Laval, le 9 Septam 1984, zour laniverser lamor 'Bienheureux Père Laval', answit dan Bambous (Médine), Quatre Cocos e Poudre d'Or village. Sa vilaz-la, li sitie dan sirkonskripsion No 6, kot Armoogum Parsooramen, alor Minis Ledikasion e Kiltir, ti depite. Fet kiltirel FTS enn Samdi swar, dan sa vilaz-la, ti extraordinier. Kan minis-la finn gagn linformasion lor sa manifestasion-la, deswit Komite Nasional finn informe. Lerla mem, komite-la rant an konpetision ar fet kiltirel FTS. Li finn organiz bann fet kitirel an paralel. Komite nasional ti dispoz gran gran mwayen kouma televizyon ek radio ar animater kouma Jean-Claude Gébert e Marclaine Antoine ki ti enn konpoziter an fonksion dan Minister Ledikasion e Kiltir. Tre vit, Komite Nasional anons enn konkour nasional sega tradisionel ar bann preliminar swivan: 19 Zanvie 1985, dan Village Le Morne; 23 Zanvie 1985, dan Centre de Flacq, 26 Zanvie, 1985 Port Louis e final 30 Zanvie 1985, Mahebourg. FTS finn alor swazir aret lamem so bann fet parski li ti'nn resi fors bann lotorite koumans komemorasion apartir 1984...

Not:

[1] Not loter: Sa sant-la zordi ena enn lot nom, san ki okenn zistifikasion ofisiel ou protestasion piblik. Dr Alex Vellin ti enn personnalite apresie dan sosiete Moris pou so bann travay sosial.

[2] *L'Express* du 6 aout 1984.

[3] *L'Express* de Septembre 1984.

[4] Not loter : Tez doktora M. Jaumeer: 'Les affranchis et les indiens libres à l'île de France au xviii^e siècle'.

(Laswit dan prosin nimerò Lekolozis)

Journée internationale du souvenir de la traite négrière et de son abolition

Une occasion de parler réparations économiques et financières

La Journée internationale du souvenir de la traite négrière et de son abolition est commémorée le 23 août de chaque année par l'UNESCO. Cependant, Maurice ne commémore pas officiellement cette journée. Pourquoi le choix du 23 août ? C'est dans la nuit du 22 au 23 août 1791 qu'a commencé à Saint-Domingue (aujourd'hui Haïti et République dominicaine), l'insurrection qui devait jouer un rôle déterminant dans l'abolition de la traite négrière transatlantique. C'est un devoir de mémoire que l'UNESCO veut promouvoir[1].

À Maurice, beaucoup de progrès ont été réalisés en matière de réparations symboliques et mémorielles. Ces réussites relèvent incontestablement du travail social et politique des Fraternels - L'Organisation Fraternelle (OF) puis Verts Fraternels (VF) - de 1968 à ce jour. Le 1er février a été décrété jour férié grâce à l'alliance conclue entre VF et le MSM en 2000. Pendant 9 ans, VF a célébré l'abolition de l'esclavage à Maurice aux pieds de la montagne du Morne pour faire obstacle au projet d'hôtels qui menaçait l'intégrité de ce site mémoriel des esclaves marrons. Ce lieu fait partie, depuis 2009, des patrimoines mondiaux de l'UNESCO. La Commission Vérité et Justice, qui a fait pas moins de 290 recommandations (visant à rendre aux descendants d'esclaves ce qui leur est dû), est la conséquence d'un accord conclu en 2005 entre les VF et le PTr. Il y a aussi la motion privée de Jean-Claude Armance adoptée en décembre 2004 par l'Assemblée nationale, décrétant l'esclavage et l'engagisme comme crimes contre l'humanité.

VF a été constant dans sa lutte pour des réparations économiques et financières aux descendants d'esclaves. La

République de Maurice doit se rappeler qu'en 2004, Sylvio Michel, ministre de la pêche, a démissionné du gouvernement de l'alliance MSM-MMM dirigé par l'Honorable Paul Bérenger qui, en faisant l'amalgame entre l'esclavage et l'engagisme, voulait rendre des réparations économiques et financières impossibles à payer.

En 2013, pour mettre fin à une grève de la faim de 27 jours, tenue par Sylvio Michel, feu Élie Michel et Rosynet Édouard, Yollande Cabot et Oliva Azi des Verts Fraternels, Dr Navin Ramgoolam avait conclu un accord avec les grévistes. Son gouvernement qui avait voté des amendements aux statuts de Nelson Mandela Centre for African Culture pour prendre en charge les recommandations de la Commission Vérité et Justice, ne les a jamais fait proclamer... Cela a rendu caduc l'accord en question.

Pour les législatives de 2024, VF a fait partie de l'alliance Linion Reform sur la base d'un accord entre autres sur les réparations économiques et financières à être accordées aux descendants d'esclaves.

La reconnaissance de la traite négrière en tant qu'un crime contre l'humanité est fondée sur le fait qu'elle a été pratiquée sans considération humaine à l'égard de ceux et celles qui ont été arrachés de leurs terres natales, enlevés à leurs familles et envoyés dans différentes parties du monde. De ces arrachements et déracinements, les victimes de la traite ont perdu leurs cultures et traditions, leurs croyances, leurs biens, leurs identités et, leur humanité. Sur le plan juridique, ces victimes avaient le statut de biens meubles.

S'agissant du nombre de personnes transbordées entre le continent africain et Maurice, cela n'a jamais pu être établi pour deux raisons principales. La première est que l'île a connu trois coloni-

sations successives notamment celle de la Hollande, de la France et de l'Angleterre. La deuxième est la traite négrière à Maurice a été pratiquée illégalement jusqu'en 1821 alors qu'elle a été abolie en 1807 par l'Angleterre [2]. Par ailleurs, la commémoration tient compte également des esclaves jetés par-dessus bord après mutilation ou tueries pendant les traversées entre l'Afrique et les colonies de plantation. Ils ne doivent pas tomber dans l'oubli, même s'il est difficile d'en estimer le nombre.

Toutes ces séquelles doivent être adressées. Le pape Léon XIV a demandé pardon au nom de l'Église catholique dans sa première encyclique *Magnifica Humanitas* « La grandeur de l'humanité » [3]. Le diocèse de Port-Louis qui a pourtant déjà demandé pardon, mène une politique de l'autruche : elle n'a pas attiré l'attention du public sur le pardon demandé par le Saint-Père. Autre paradoxe de l'Église catholique à Maurice : en 2008, certains responsables laïcs et presbytéraux ont pris position contre les réparations financières et économiques aux descendants d'esclaves quand ils sont allés déposer devant la Commission Vérité et Justice. Aujourd'hui, à travers son Institut Cardinal Jean Margéot, le diocèse de Port-Louis participe à l'organisation d'un colloque international sur la justice réparatrice du crime de l'esclavage le 1^{er} août 2026...

Dr Didier Michel

Notes

[1] <https://www.unesco.org/fr/days/slave-trade-remembrance#:~:text=C'est%20dans%20ce%20contexte,1999%20%C3%A0%20Gor%C3%A9%20au%20S%C3%A9n%C3%A9gal>.

[2] *La Fin d'une Légende*, Rivaltz Quenette.

[3] <https://eglise.catholique.fr/vatican/pape-leon-xiv/571316-magnifica-humanitas-lettre-pape-intelligence-artificielle/>.

BIDZE 2026-2027:

VER LOTONOMI EKONOMIK POU BANN PRODWI PRIYORITER: DELO AVAN TOU...

Reaksion, masif ek spontane popilasyon kont enn reform pansion finnn montre ki demokrasi pe koumans reviv dan lespri bann Morisien. Zot pa dakor ki pouvwar larzan vinn bafwe fonksionnma demokratik zot pei...

Me demokrasi vadir osi enn popilasyon ki an mezir asim lotonomi ekonomik pou omwin bann prodwi priyoriter. Sa bidze-la ena merit akord enn plas santral sekirite alimenter ek delo pou tou dimounn insi ki plis lotonomi pou lenerzi. Sa politik-la finnn ekspoz klerman dan 2^e parti diskour bidze an term 4 flagship ('mesures phares') ki sertenman bizin ameliorer, me ki deza kapav mobiliz lapopilasyon pou konstruir enn pei pli otonom, pli independan lor plan ekonomik.

Kan sektor finansie inpoz so diktat e fos enn demars demokratik

Samdi 11 Zwiye 2026, lafoul ki finnn prezan dan manifestasyon Porlwi lor lapel bann sindika, finnn fer plis ki obligi gouvrenma revinn lor so reform pansion: li finnn koriz enn disfonksionnma inpoze par bann pouvwar finansie lor demokrasi enn pei. An efe, alor ki enn kote exize ki elir gouvrenma selon bann prinsip demokratik, lot kote, enn fwa ki gouvrenma-la rant dan pouvwar, li ena lao so latet bann lobi finansie lokal ek internasional ki la pou inpoz zot diktat lor li ek lor popilasyon. Zot finnn pran postir bann 'grands pontifs de l'économie' ki la pou fer aplik zot bann kontrint finansie 'à la baguette', parski pou zot, lekonmi, li dabor enn kestion sif ek kont ki bizin balanse; dimansion imin pas lor segon plan... Si rediksion bidze pansion osi inportan, kot sa bann lobi finansie-la ti ete, sirtou sektor prive lokal, kan l'Alliance du changement ti pe promet enn pansion vieyes a Rs. 21,000? Kifer Moody's ek FMI pa finnn sevir lor gouvrenma ki ti o-pouvwar avan, alor ki ogmantasyon det piblik ti deza alarman?

Popilasyon Moris finnn ranport laviktwar lor pouvwar finansie avan mem so manifestasyon dan Porlwi: Vandredi 10 Zwiye, lavez manifestasyon dan Porlwi, Minis Ashok Subron finnn vinn anons dan konferans de pres ki li finnn done, ki gouvrenma pe rektifie so reform: 'Means test' finnn retire definitivman; pansion iniversel finnn retabli; bann nouvo pansioner pou kapav swazir kan zot pou pran zot pansion ant 60 an ek 65 ans; dan sa mem trans laz-la, minimom pansion pou Rs. 14,490 (olie Rs. 11,589) e li pou ogmante ar bann 'increments' ki fer sak lane an fonksion 'coût de lavi', etsetera...

2/ Enn premie pa pou oryant lekonmi ver plis lotonomi pou: delo, manze, lenerzi

Demars ver plis lotonomi ekonomik pou omwin bann prodwi priyoriter, li fondamantal. An efe, enn pei independan ek responsab, pa kapav kontinie depann pou sa bann prod-

wi-la, lor bann lobi ek pei ki ena pouvwar larzan. Nou finnn trouve dan lexanp reform pansion, enn tel depandans reprezant enn menas pou demokrasi...

Dan *Lekolozis* lemwa dernie, nou finnn prezant lorganizasyon zeneral diskour bidze insi ki bann flagship ki finnn ekspoz dan so 2^e parti. Sa parti-la merit nou latansion parski li reini 2 size ki priyoriter pou *Lekolozis*: lanvironnma ek lalit kont lamizer. Nou finnn deza gegn lokasyon dir li: pou nou, protez lanvironnma natirel e promouvwar bann pratik ekolojik, li osi enn mwayin pou konbat lamizer... Dan *Lekolozis* lemwa dernie, nou finnn osi fer remarke ki bann flagship ki bidze met an avan, zot ena enn laspe ankor tro komersial avek enn zesion tro santralize; nou estime ki ena mwayin rann zot ekolojik e pli aksesib, enn fason ki sak Morisien interese partisip dan sa nouvo oryantasyon ekonomik-la...

Premie flagship: delo (avan manze)

Flagship ki konsern delo dan bidze, li an 3^e pozision, alor ki ant manze ek delo, premie nesessite pou lavi, se delo: enn dimounn kapav viv plizir zour san manze alor ki san delo, li pa tini plis ki 3 zour. Deplis, laktialite klimatik met nou dan lirezans konsider sa nesessite-la an premie, an partikilie an rezon fenomenn El niño sa lane-la. Meteo pe prevwar enn peryod lasesres dan 3 mwa, alor ki nou deza pe koumans sibir li dan Moris...


Dan bidze, Flagship konsernan delo oule rann sa premie nesessite-la aksesib pou tou dimounn. O-nivo domestik, pe prevwar 175 milion roudi pou donn 11,000 fami rezervwar ek fittings kont koupir delo. O-nivo nasional, pou konsakre Rs. 6.4 miliar pou ogmant kapasite kaptaz ek distribision delo, pou investi dan foraz 20 nouvo 'boreholes', ranplasman bann tio ek konstriksion 5 younits pou filtrasion delo sou presion. Proze Rivière des Anguilles Dam, ki ti deza anonse, pe sipoze komanse sa lane-la.

Pou enn lapros plis ekolojik ek demokratik flagship 'Delo (pou tou dimounn)'

Flagship delo pou vinn pli ekolojik si konsiantiz bann Morisien lor linportans evit gapiy delo e diminie zot konso-masion e mem posibilite prodwir delo o-nivo zot fwaye. Pou enn lapros pli demokratik, bann institision skoler, bann kolektivite lokal (Minisipalite ek Konsey distrik) insi ki bann ONG bizin kapav pran an sarz bann demars konsiantizasyon e mem formasion...

O nivo *Lekolozis*, nou finnn deza soulign nesessite fer distinktion ant bann aktivite domestik kot bizin servi delo potab (kouma pou bwat, kwi manze, lizienn lekor,...) ek bann aktivite kot kapav servi delo lapli (kouma pou zardin, netwayaz, etsetera) (Get *Lekolozis* Avril 2024).

Li osi inportan ki Morisien forme lor lezot mwayin pou prodwir ek filtre delo, parski laseres fer parti bann konsekans sanzma klimatik ki bann popilasyon bizin aprann fer fas. Bokou Morisien pa kone ki ena posibilite



Intalasion sinp pou prodwir delo apartir laroze [1]

prodwir delo dan so lakour apartir laroze.

Nou ena sans ki Moris ena enn klima tropikal kot ena limidite. Sa limidite-la, se delo ki kapav rekipere avek enn sistem instalasion ki rann li aksesib deza pou bann fwaye. Se-t-enn sistem ansien rekiperasion delo ki itilize dan bann landrwa kot lapli bien rar. Sa sistem-la pe re-trouv so pertinans zordi.

Kanta filtraz delo, an deor bann sistem sofistike ki ser-tennman nesaser o-nivo nasional, li ti bizin fer parti for-masion pratik sak zenn Morisien dan lekol. Pou bann adilt, pena lot solision ki enn kanpagn formasion o-nivo bann kolektivite lokal ek bann ONG [2].

Prodiksion delo apartir ler

Prodiksion delo apartir ler, li an fet enn sistem ki existe depi plizir siek dan bann rezion sek Chili, Marok, Etiopi kot lapli bien rar e kot pena sistem delo potab.

Sa kalite prodiksion delo-la repoz lor enn prinsip termo-dinamik: kan ler, ki kontenir limidite, tap ar enn sifas pli fre, sa prodwir bann gout delo ki nou apel laroze. Li ase fasil pou enn dimounn konstrwir dan so lakour, so zar-din, enn sistem kaptaz so limidite ki dan ler, pou li gegn delo, omwin pou bwar ek kwi manze...

Pou konstrwir enn sistem kaptaz delo apartir ler, bizin enn lankadremman dan form enn rektang. Kapav fer li ar tio PVC par exanp. Lor la bizin redi enn file ki so may fin (kouma pou enn tami). Li inportan ki file-la bien redi kouma redi enn lapo kabri lor enn ravann. Lerla, pli sinp met rektang-la apiye dibout ar enn miray enn fason ki li fer enn lang 30 degre ar miray-la. Bien inportan ki rektang-la fer fas labriz ki vini pou ki ena laroze. Pou

rekipier sa delo laroze la, bizin plas enn dalo anba rektang-la enn fason ki delo-la verse. Ena osi posibilite konekte enn tio ar dalo-la pou ki delo rant dan enn resipian

Bizin met instalasion-la an plas lafin lazourne e rekipier delo ki finn prodwir pandan lanwit, boner granmatin avan ki so-ley fer li evapore. Enn rektang 3 pie / 4 pie prodwir 1 a 2 lit delo par nwit swivan limidite ki ena dan ler. Pou gegn plis delo, dimansion rektang la bizin pli gran. Li bon note ki ena lezot posibilite pou fer rektang-la tini e osi lezot model [3].

Sa delo ki rekipere-la, normalman enn delo prop. Me par prekosion, bizin filtre delo-la ou bwi li; sirtou si ou res dan enn landrwa kot ena polision an rezon sirkilasion, lizinn et-setera...

Daniella Police-Michel



Enn parmi bann model pli elabore [3]

Not:

[1] Foto ek video: [Endless water for \\$12 — The forgotten engineering trick](#)

[2] Video: - [How to make a HOMEMADE WATER FILTER \(step-by-step explanation\)](#) □

- [Comment rendre de l'eau potable.](#)

- [I made my own best water filter 2025 super clean. Most cost effective](#)

- [Arrêtez d'acheter des filtres à eau — 11 secrets Amish pour purifier N'IMPORTE QUELLE eau pour to...](#)

[3] Video - [FREE Water Forever! 11 Off-Grid Systems The Amish Have Used for 200 Years](#)

- [Ils ont vendu cette tour comme de "l'eau extraite de l'air". La physique a ses limites](#)

LEKTIR LAPRES

(Laswit paz 1)

Dan mem zournal, enn lot lartik pibliye le 19 Zwin 2026: **Financement de la NSIF : Le milliard des ONG sous la loupe**, revele ki NSIF pe travay dapre 8 'Funding instruments' diferan (F1 ziska F8). F1 ek F5 tousel pran plis ki 86% larzan-la. Enn 'Funding instrument' defini dan enn fason formel, kimanier kolekte, administre ek distribie bann fon dan enn lobzektif presi. Parey kouma FLE finn vinn enn 'Funding instrument' apar dan NSIF pou ledikasyon, kapav ena enn nouvo ki servi pou enn nouvo lobzektif presi.

Lor kestion lapovrete, lartik *Le Défi Quotidien* pibliye le 7 Me 2025: **Fonds CSR : Rs 5 milliards collectées**, ti fini montre ki 5.3 miliar rounpi finn kolekte lor 5 an,

ar 1 miliar rounpi redirize an 2024/25 ver **Poverty Reduction Fund**, ek 917 milion rounpi servi pou program sosial.

Anfin, amandman *Foundations Act* lor *Finance Bill 2026* aport enn nouvo definision **charitable foundation** ki pou inklir akote lobzektif karitatif, bann lobzektif relizie, kiltirel ek edikatif — enn elarzisman signifkatif interesan. Pli inportan ankor: nouvo lalwa-la demann tou fondasyon deklar dat nesans zot **beneficial owner**. Bann fondasyon ki deza anrezistre gagn ziska 30 Zwin 2027, apepre enn lane, pou konform zot ar sa amandman-la. Sa dele-la vinn nesaser pou anpes bann abu e garanti bon governans bann fondasyon. An efe, depi detrwa tan, bann fondasyon finn kree dan Moris bonavini: enn kad transparan obligatwar.

CONSTITUTIONAL

REVIEW COMMISSION

(Suite de la page 6)

Alternativ, mais ne s'occupe que de la déclaration du candidat ou de la candidate sur sa communauté à une élection, mais ne touche pas à la reconnaissance d'une communauté privée d'identité.

Enfin, reste à savoir si la CRC n'attendra pas la veille des élections générales de 2029 pour son rapport, à moins que d'ici là, l'alliance au pouvoir aura perdu sa majorité qualifiée pour les amendements constitutionnels au Parlement.

Dr Didier Michel

Notes

[1] J. Colom, « L'Écriture Dirigée par le Colonial Office de la Constitution Mauricienne de 1968 », pp. 23-42 (in) *Le Développement Constitutionnel Dans Les États du Sud-ouest de l'Océan Indien*, sous la direction de J. Colom, Presses Universitaires d'Aix-Marseille, Collection Sociétés de l'Océan Indien, 2013, 186 p. 23.

[2] Eighth National Assembly, *Parliamentary Debates* (Hansard) (unrevised), First Session, Tuesday 19 May 2026, p. 96.

[3] Eighth National Assembly, *Parliamentary Debates* (Hansard) (unrevised), First Session, Tuesday 2 June 2026, p. 150.

[4] Eighth National Assembly, *Parliamentary Debates* (Hansard) (unrevised), First Session, Tuesday 26 May 2026, p. 99.

[5] à [13] Ibid. p.100 - 106

RELASION NEOKOLONIAL ETAZINI

ANVER MORIS

(Laswit paz 3)

Zordi ladministrasion Trump pe propoz a tou bann pei dan lemond, an partikilie an Afrik, enn MOU (Memorandum of Understanding) lor lasante piblik ki selma 32 pei dan lemond inn aksepte, avek parmi, 20 pei Afriken alor ki African Union form ear 55 pei. Dapre enn lartik pibliye par BBC bokou pei Afriken inn refiz sign sa MOU-la [2]. Li viz dabor lintere Ameriken dan domenn medikal: kolekte bann patozenn dan bann pei signater pou fer resers e prodwir vaksen ki bien-bien ser pou bann pei Afriken aste zot.. Etazini inn al ziska lie MOU-la ar bann lezot lakor pou gagn akse ar bann rises ki dan sousol bann pei Lafrik. Lafridisid pe sibir ankor plis sa politik Prezidan Trump-la ki pe akiz Gouvernma Lafridisid pratik 'white genocide' anver kominote Afrikaner Nou ena dekwa poz nou lakestion si Etazini pann organiz so 'US-Africa Business Summit', dan nou pei parski li pa'nn resi trouv enn pei lor kontinan kot pou fer sa.

Sylvio Michel

Notes

[1] [Artemis Accords - NASA](#)

[2] Barbara Plett Ushee, 'Why some African countries are turning down Trump aid money?', BBC, 7 Zwiye 2026.